

NOTULE VAN BOLAND ROLBAL ZOOM VERGADERING GEHOU OP MAANDAG, 12 APRIL 2021 OM 20:00.

1. OPENING

Stoffel open die vergadering

2. TEENWOORDIG

Stoffel Lambrechts – President
Pierre Paul– Sekretaris
Tom Tromp - Tesourier
Engela Lambrechts - Wedstrydsekretaris
Leon Meyer – President Weskus
Charmaine Mostert – President Winelands
Henry Fourie – President Overberg

2.1 VERSKONINGS

Geen-

3. BYKOMENDE ITEMS

Geen

4. GOEDKEURING VAN NOTULE

- 4.1** Die Notule van die Bestuursvergadering van 17 Desember 2020 word goedgekeur,
- 4.2** Die Notule van Spesiale Algemene Vergadering van 10 Desember word goedgekeur.

5. SAKE VOORTSPRUITEND UIT NOTULE VAN 17 Desember 2021

- 5.1.1** Finansiële ondersteuning Clanwilliam – Clanwilliam Rolbal klub is nou deel van Rooibos Sport Klub. Die klub bestaan uit 8 sport soorte – Tennis, Skyfskiet, Atletiek, Rolbal, Fietsry en ander. Die rolbal klub sal dan hulle klubhuis verhuur aan die sport klub. Rooibos en ander privaat lede is in beheer van die sport klub. Die sport klub sal die kroeg en kombuis bestuur. Rooibos gaan ook die munispale skuld delg van die rolbal klub. Die rolbal klub is verantwoordelik vir die rolbal baan. Francios Hugo het 2 keer gaan help op die baan. Die een sitrus plaas boer is bereid om water te gee vir die klub, daar moet nog besluit word hoe om die water van sy plaas na die klub te pomp. Hy sal ook help met die baan. Sy plaas is regoor die baan, aan die ander kant van die pad. Hy het voorheen gekyk na die baan. 'n Dag na die vergadering is reeds begin met die heining.

5.1.2 Afrigtings Kursus Vlak 2

Kursus word in Weskaap aangebied en moontlike kandidate uit Boland moet identifiseer word voor 26 Junie 2021

Presidente: sub-distrikte

5.1.3 WCPBA Grondwet. –

Konsensus is bereik tussen Boland, Eden, WP en die Weskaap Departement Sport mbt die Grondwet vir Western Cape Provincial Bowls Assosiation (WCPBA)

'n Spesiale vergadering word op 17 Mei 2021 via zoom gehou om die Grondwet goed te keur. Indien die Grondwet aanvaar word sal die vorige WCB grondwet onmiddelik verval.

Die eerste AJV van WCPBA word ook op 17 Mei 2021 gehou.

Boland nomineer vir Greame Kemp die vorige president van WP as die President van WCPBA

Boland nomineer vir Stoffel Lambrechts as Visie-president van WCPBA

Elkeen van die drie streke in Boland nl. Overberg, Cape Winelands en Weskus moet elkeen een persoon nomineer om deel van die WCPBA raad te wees.

Daar is ooreengekom dat die Sekretaris van WCPBA uit die distrik van die verkose President moet kom.

Min of geen kostes word op die stadium voorsien vir WCPBA ne, maar Boland besluit om te begroot vir R2.00 per geaffilieerde vir die 2021/2022 jaar.

Henry vra dat daar seker gemaak moet word dat die meerderheid stem altyd 50% plus 1 van die moontlike steme moet wees en nooit twee derde meerderheid nodig is nie.

Omdat die jaarvergaderings van Distrikte en streke nie noodwendig saamval met WCPBA se jaarvergadering nie moet dit moontlik wees dat distrikte en streke na hul AJV's nuwe persone vir die WCPBA raad moet kan aanwys.

6. FINANSIES

6.1 Voorlopige Finasieele State tot Maart 2021 – Tom lewer breedvoerige verslag oor die finansies. Weens die uitwerking van Covid-19 op die rolbal aktiwiteite stuur ons af op 'n surplus van om en by R260000.00. State is aan alle lede uitgestuur

6.2 Wat om met surplus te doen – Bestuur besluit om tydens die Boland AJV in Julie aan te beveel dat die Januarie 2021 affiliasies van Boland Rolbal aan die vollede terug betaal moet word, die bedrag beloop ongeveer R228000.

Klubs sal by hul lede toestemming moet kry wat elke klub met die fondse gaan doen, moontlik aanwend vir kapitaal besteding of teruggee aan lede. Klubs moet dan per brief bevestig wat hulle opsie gaan wees.

6.3 Begroting vir 2022 – Daar is 'n voorstel dat die begroting vir 2022 dieselfde sal wees as die 2021 boekjaar. Omrede die ID op dieselfde plekke gehou word is ons bewus van al die kostes. Daar sal 'n klein te kort wees maar is daar genoegsame reserwes om dit te dek.

Dit blyk dat die streke oor genoegsame "capacity building" fondse beskik om moontlike opleiding van afrigters, TO's en perkemeesters te finansier en dat Boland nie addisioneel daarvoor hoef te begroot nie.

6.4 Affiliasies 2022 – Tom lewer verslag oor die affiliasie gelde vir 2022 en word daar besluit om by die AJV van Boland voor te stel dat die affiliasie gelde sal verhoog na R204.00 per lid.

6.5 Boland Kompetisie gelde – Bespreking oor die kompetisie gelde en die nadele en voordele word bespreek. Besluit om by die Boland AJV voor te stel dat kompetisiegelde onveranderd bly op R40 per persoon vir alle inskrywings.

6.6 Surplus van All Cape gelde 2020 – Daar is twee spanne in die Boland area wat nog nie hulle inskrywings terug geeis het nie. Tom sal dit weer met betrokkenis opneem. Sou gelde nie opgeeis word nie sal die in Boland opgeneem word as surplus.

6.7 Surplus op voorsiening vir Boland Kompetisie gelde vir 2021 – Bestuur neem kennis dat agv min kompetisies wat in die 2021 finansiële jaar plaasgevind het die voorsiening vir prysgeld slegs R11690 sal beloop en dat die vorige voorsiening teruggedeskryf sal word. Bestuur besluit om R20000 te begroot as prysgeld vir die 2022 begroting

6.8 Beskerming van Persoonlike inligting – Staan oor tot volgende vergadering

6.9 Jaarliks oorsig van Risiko Bestuur - Staan oor tot volgende vergadering

6.10 Moontlike Belasting implikasie op Honararium - Staan oor tot volgende vergadering

7. Lede Werwing En Bemarking

7.1 Lede Insentiewe – Bestuur neem kennis dat Boland se ledetal tov vollede op 31 Maart 2021 op 1288 gestaan het, dit is 'n klein toename vergeleke met 31 Maart 2020.

Die punt word breedvoerig bespreek en klubs word aangemoedig om insentiewe in te stel om nuwe lede te werf.

Affiliase gelde word as voorbeeld genoem – 'n opsie is om vir nuwe lede in jaar een slegs die Boland en BSA affiliasie fooie te hef en geen klub ledegeld nie.

'n Ander opsie is om vir die lid wat 'n nuwe lid werf afslag te gee op sy eie ledegeld aan die klub. Mei is Rolbal bewusmakings maand en kan klubs hierdie geleentheid benut om nuwe lede te werf, voorstelle is om mannedag, damesdag en jeugdae op afsonderlike geleenthede gedurende Mei te hou. Klubs word versoek om hul idees vir ledewerwing met hul streekbesture en ander klubs te deel. Boland moet aan Rolbal SA terugvoering gee op wat ons beplan om te doen.

8 Wedstrydsekretaris

8.1 Inskrywings vergelyking – Inskrywings vir die 2020/21 boekjaar het effens met ongeveer 7.5% gedaal. Vir die kompetisies wat afgehandel is, was daar 131 minder inskrywings gewees as in die vorige jaar. Die grootste daling in getalle inskrywings was in Overberg area en Covid baie hiermee te doen gehad.

8.2 Veterane Kompetisies – Die volhoubaarheid van hierdie kompetisies word bespreek. Alhoewel die getalle inskrywings vir Veterane viere en driespel baie min is, word kennis geneem dat dit steeds R11000 bydra tot kompetisie inskrywings. Moontlikhede wat ondersoek moet word is om die Veterane Viere en Driespel na gemengde kompetisies te verander, veral omdat gemengde kompetisies in die Weskus reeds so gewild is. 'n Ander rede om na gemengde kompetisies te verander is om die klubs met min lede en nie spanne met net mans of dames in saam te stel nie, die geleentheid te gee om dan ook in te skryf.

Besluit dat klubs se terugvoering in hul streke gevra moet word en dat die streke dan terugvoering gee oor klubs se redes vir lae deelname en moontlike wysiging van die formate. Bestuur is bewus daarvan dat baie veterane ook aan die ope kompetisies deelneem.

8.3 Kampioen van Kampioene – 'n Voorstel is ontvang dat die kompetisie nie eers op streekvlak uitgespeel moet word nie, maar dat almal op Worcester moet kom uitspeel.

Bestuur neem kennis dat dit die idiaal is en dat die kompetisie dan oor 2 dae moet geskied. Agv groter reis en verblyfkooste vir alle deelnemers word besluit dat die kompetisie steeds eers op streekvlak uitgespeel sal word.

8.4 Pro 10 Formaat – Die toedeling van spanne word bespreek. Omdat die kompetisie sedert sy ontstaan as Specsavers Pro10 so gewild was onder lede waar dit eers op klubvlak en dan in die streke en daarna in Boland gespeel word, word besluit om die bestaande formaat te behou. Klubs moet steeds minimum 4 spanne (8 spelers) inskryf ander moet hulle saam met 'n ander klub speel. Streke kan self besluit hoeveel spanne hulle in die streek gaan laat uitspeel om die kwalifiseerders vir die Boland finaal te bepaal.

8.6 Ope Meesters – 'n Voorstel is ontvang om die datum vir die Boland Ope Meesters te verander. Bestuur neem kennis dat Henry Fourie en Overberg klubs nie saamstem met die verskuiwing nie, maar besluit dat die Ope Meesters vir mans en dames nou op 7 en 8 Augustus 2021 sal plaasvind, dit is een week voor die SA Meesters

8.7 Veterane Meesters – Agv die verskuiwing in datums van die veterane enkelspel vir 2021 weens Covid kon die Veterane Meesters nie op die geskeduleerde datums plaasvind nie.

Die nuwe datums vir die Veterane Dames Meesters is nou op 3 en 4 Julie 2021 te Hermanus en die Veterane Mans Meesters is 10 en 11 Julie 2021 ook op Hermanus.

9 Verslae : Sameroepers van Staande Komitees

9.1 Afrigters - Jenny Griffiths van die BSA Afrigters Staandekomitee het ingestem om gedurende September 2021 waar te neem wanneer Boland kursusse vir Vlak 1 afrigters in die 3 streke gaan aanbied. Charmaine sal nog bevestig of die drie kursusse gedurende September wel ingepas kan word, ook of sy genoeg beskikbare fasiliteerders kan kry.

9.2 Tegniese Beampies – Pieter Linde het bedank as Sameroeper van die Boland Tegniese Beampies, maar sal steeds voortgaan om Tegniese beampies en merkers in die Overberg op te lei. Almarie du Toit van Paarl sal as Boland sameroeper vir Tegniese beampies oor neem. Sy het reeds besoek afgele by Bob Standen, die BSA staandekomiteelid vir TO's. Bob is bereid om vir Almarie te help met kursusse indien nodig en wanneer sy kursusse aanbied stuur sy die uitslae na hom en hy stuur dit na BSA. Almarie het die kursus materiaal op haar rekenaar en dit sal sy vir elke kursuganger gee om afskrifte te maak, die reëls kan van die BSA webwerf getrek word. TO kursusse vir merkers en vlak 1 TO's kan begin, Almarie het reeds uitnodigings na Wynland klubs gestuur. Roelyn en Pieter kan ook dus voortgaan in Weskus en Overberg

9.3 Perkemeesters –

9.3.1 Vlak 1 Kursus – Kursusse word beplan vir 24 en 25 Mei in die Weskus, 26 en 27 Mei in Wynland en 16 en 17 Junie 2021 te Overberg. Boland wag vir die bevestiging van Bill McCarthy van die BSA staandekomitee wat die kursusse moet aanbied en klub besoeke sal doen.

9.3.2 Baan Inspeksies Wynland – Inspeksies is in Maart gedoen deur Stoffel, Lampies en Mossie. Kennis is geneem van probleme by verskillende klubs en dit sal saam met die vlak 1 kursus en besoek aan klubs deur Bill McCarthy van die BSA staandekomitee met perkemeesters en klub president bespreek word.

9.4 Disability - Geen

10 Verslae – Sub-distrikte

10.1 Overberg

10.1.1 Terugvoering Trilaterals/DCAS – Henry lewer terugvoer hieroor en kennis word geneem dat die provinsiale departement van sport verwag dat daar op Juniors, Dames en Disability gefokus moet word. Hulle gaan ook weer druk vir deelname in die 9 Provinsies en nie die 20 Distrikte soos BSA tans met SASCOC die reëling het nie. Dit mag dalk nie oornag gebeur nie, maar ons moet net bewus wees daarvan.

Vergadering met klubs op 15 April 2021

Greyton – Hierdie klub is nie geaffilieer aan BSA nie en is daar nog lede wat die Klub ondersteun. Dit is nie toelaatbaar nie. Henry sal met betrokkeenis praat

Besigheidsliga – geen kompetisies is in die Overberg gehou nie en meeste klubs het hulle kompetisies uitgestel of afgestel

Overberg is gesond en is in goeie toestand

10.2 Winelands – Charmaine gee terugvoer en gaan dit goed by die klubs. Daar is egter 'n afname in Juniors en sal dit aangespreek word. Kursusse is in die pylyn vir Afrigters en Tegnieuse beaamptes. Ceres, Tulbagh, Robertson, Hexvallei en Paarl het besigheidsligas aangebied. Ceres het ook hulle O/35 toernooi gehad met 12 spanne van 3 elk gedurende Februarie en Maart 2021

10.3 Weskus – Sien Leon verslag aangeheg.

10.3.1 Grondwette – Die vraag is gevra waarom moet al die streke se Grondwette dieselfde wees. Stoffel verduidelik dat die streke se grondwette begin is deur bloot net die Boland Grondwet as basis te gebruik. Dit word bevestig dat verskille tussen streke se grondwette tog kan bestaan en dat streke grondwet wysigings aan Boland bestuur moet voorhou en by hul AJV's moet laat goedkeur. DCAS wil byvoorbeeld nie M&M in grondwet hê nie, maar eerder "development". Terwyl Boland weer verwys na M&M omdat BSA dit so by SASCOC uitgeklaar het.

10.3.2 Enkels en Merkers Dit word besluit dat elke streek self besluit of hulle seksies van 3 of 4 spelers gaan gebruik vir die speel van enkels.

10.3.3 Onttrekkings – Onttrekkings uit kompetisies is 'n problem en word daar versoek dat daar teen die lede opgetree moet word.

Die volgende word reelings word bevestig,

Indien iemand onttrek **voordat die trekking** vir 'n kompetisies gedoen is, word die naam bloot afgehaal van die inskrywings lys en word geen fooi gehef nie.

Indien iemand onttrek **nadat die trekking** vir 'n kompetisies gedoen is, is die speler of span verantwoordelik vir die volle inskrywingsfooi, mits hulle self of hul klub self plaasvervangers vind.

Indien iemand **nie opdaag** vir 'n wedstryd waarvoor hy/sy ingeskryf en getrek is nie, kan die spelers geskors word vir die volgende jaar se kompetisie.

Spelers wat aan 'n kompetisie deelgeneem het en vir die **Boland finaal kwalifiseer het en dan onttrek**, kan ook geskors word vir die volgende jaar se kompetisie indien 'n geldige rede nie verskaf kan word nie.

10.3.4 Webtuiste - Ons het oor beweeg na nuwe diensverskaffer en alle eposse word gestop. Daar moet voortaan net een epos per klub geregistreer wees op die Boland webwerf, bv pitsonderwaterbowls@gmail.com vir gebruik deur die klub se president, sekretaris, wedstrydsekretaris, ledewering en tesourier. Veral Winelands moet hieraan aandag gee

11 Korrespondensie

11.1 Omsendskrywes – Geen

11.2 BSA Exec Vergadering 12 Feb 2021 - Geen

11.3 SA Meesters Terugvoer – Geen

11.4 SA Gemengde Pare – R6000 word goedgekeur vir Wynand Pool en Lucille Herbst van Hermanus om Boland Rolbal vir die toernooi in Durban te verteenwoordig. Tom sal met Wynand skakel

11.5 SA O/30 Toernooi Hermanus – Toernooi is afgestel

12 Algemeen

12.1 Raakskoot – wie gaan redakteur van die koerantjie wees? Pierre moet met Ena gesels om te hoor of sy dit nog sal doen. Daar is met haar gesels en het sy ons ingelig dat sy nie meer wil aangaan nie. Ons sal skrywe uitstuur om te hoor of daar iemand bekwaam is om dit te doen.

13. VOLGENDE VERGADERING
Donderdag 14 Junie 2021

PRESIDENT

SEKRETARIS

DATUM: _____